

**BOSNA I HERCEGOVINA
FEDERACIJA BOSNE I HERCEGOVINE
Vlada Federacije Bosne i Hercegovine
Ministarstvo kulture i sporta / Ministarstvo kulture i športa**

Izvještaj o radu za 2011. godinu

Sarajevo, januar/siječanj 2012. godine

Uvodni dio

Aktivnosti Federalnog ministarstva kulture i sporta u 2011. godini utvrđene su usvojenim Programom rada i Operativnim programom rada za 2011. godinu.

Federalno ministarstvo kulture i sporta je u 2011. obavljalo upravne, stručne i druge poslove iz nadležnosti Federacije BiH koji se odnose na koordinaciju u naučno-istraživačkoj djelatnosti iz oblasti zaštite i korištenja kulturno-historijskog naslijeđa, unapređenja muzejske, arhivske, bibliotečne, izdavačke, teatarske, muzičke, likovne, filmske djelatnosti i sporta. Ministarstvo je radilo je na razvijanju i omogućavanju rada organizacijama i udruženjima građana u oblasti kulture i umjetnosti, unapređenju kulturnog amaterizma, stvaralaštva mladih, sporta, tehničke i tjelesne kulture, na podršci umjetnicima radi poboljšanja statusa i podršci razvoja talenata od značaja za Federaciju BiH i Bosnu i Hercegovinu.

Zadaci utvrđeni Operativnim programom rada za 2011. godinu realizirani su u normativnom i analitičkom dijelu, po sektorima.

Vlada Federacije BiH usvojila je Strategiju razvoja Federacije Bosne i Hercegovine 2010 - 2020. u kojoj su zastupljene oblasti kulture i sporta i Akcioni plan za implementaciju Strategije. Aktivnosti na provedbi Strategije se provode.

Slijedeći programske ciljeve i aktivnosti predviđene Planom rada za 2011. godinu, djelatnosti Federalnog ministarstva kulture i sporta neposredno su obavljane u:

- Sektoru za kulturno-historijsko naslijeđe i kulturu,
- Zavodu za zaštitu spomenika,
- Centru za mlade,
- Sektoru za sport.

Sektor za kulturno-historijsko naslijeđe i kulturu je implementirao dio iz Strategije kulturne politike u BiH, kojim je predviđeno postići slijedeće zacrtane ciljeve: razvoj kulturne politike Bosne i Hercegovine, harmonizirani razvoj kulturnih politika, pojačana uloga kulture u ekonomskom razvoju BiH, osnažen pristup kulturnoj ponudi i participacija u kulturi.

Zavod za zaštitu spomenika, upravna organizacija Ministarstva i nadležna služba zaštite naslijeđa na nivou Federacije BiH, svoj rad temelji na trima osnovnim organizacionim jedinicama: odjeljenje za operativno-tehničku zaštitu, odjeljenje za naučnoistraživački rad i odjeljenje za informaciono-dokumentacione i opće poslove. Svaka od tri organizacione jedinice operativno je radila na pripremi programa i projekata, stručnom nadzoru i realizaciji sanacije konzervacije, restauracije, rekonstrukcije i revitalizacije objekata kulturno-historijskog naslijeđa.

Centar za mlade je nastavio raditi na poboljšanju položaja mladih u Federaciji BiH. Također, Centar je nastavio pružati podršku programima mladih koji doprinose angažiranju i afirmaciji mladih u kulturi, podršku razvijanju manifestacija, programa i projekata mladih u oblasti kulture koji doprinose edukaciji mladih, uključivanje i

zapošljavanje, te projektima mladih s ciljem zaštite kulturnog naslijeđa i jačanja svijesti kod mladih o potrebi i očuvanju kulturnog naslijeđa Bosne i Hercegovine.

Programom rada za 2011. godinu utvrđeni su strateški ciljevi razvoja sportske djelatnosti u FBiH, a to su: dostizanje stepena uključenosti stanovništva u sistematsku sportsku aktivnost na nivou sportski razvijene zemlje kao i nivo vrhunskih sportskih dostignuća koji će dostojno prezentirati našu zemlju na međunarodnim sportskim takmičenjima. Kako je sport u savremenim uvjetima postao značajan dio kulture i ukupnih vrijednosti društva, bilo je neophodno da Sektor za sport značajnu pažnju i brigu posveti ovoj djelatnosti, koja u našoj zemlji ima dugu i bogatu tradiciju.

Podrška aktivnostima Ministarstva u okviru svog djelokruga rada nastavljena je i u:

- Fondaciji za kinematografiju,
- Fondaciji za izdavaštvo,
- Fondaciji za bibliotečnu djelatnost,
- Fondaciji za muzičke, scenske i likovne umjetnosti.

IZVJEŠTAJ O RADU ZA 2011. GODINU- SEKTOR ZA KULTURNO HISTORIJSKO NASLIJEĐE I KULTURU

OPIS AKTIVNOSTI	Izvršeno u % u odnosu na plan u 2011.g.	Utrošeno u % odnosu na plan u 2011.g.	Indikator izvršenja	Napomena
Transfer za kulturu od značaja za Federaciju Bosne i Hercegovine: sufinansiranje programa i projekta od značaja za FBiH prema općim i usvojenim posebnim kriterijima.	100%	1.266.000,00 KM	Uspješno realiziran Transfer za kulturu od značaja za FBiH (ukupno pristiglo i obrađeno 110 zahtjeva, ukupno bodovano 77 zahtjeva, ukupno podržan 31 projekat) Zahtjevi koji nisu ispunjavali formalno-pravne uvjete nisu bodovani.	Generalno opredjeljenje Ministarstva u pogledu ovog transfera bilo je da se i u uvjetima ozbiljnog umanjenja ukupne sume budžetskih izdataka za kulturu podrže i očuvaju projekti i sadržaji koji imaju višegodišnju tradiciju prezentacije i afirmacije kulturnog i umjetničkog stvaralaštva, te produkcije koje su po svom značaju ističu na međunarodnom planu.
Transfer za udruženja građana i organizacije u oblasti kulture: sufinansiranje programa i projekta prema općim i usvojenim posebnim kriterijima te kriterijima iz Javnog poziva objavljenog 29.06.2011. godine.	100%	685.450,00	Uspješno realiziran Transfer za udruženja građana i organizacije u oblasti kulture (ukupno pristiglo i obrađeno 159 zahtjeva, ukupno bodovano 127, ukupno podržano 56 projekata). Zahtjevi koji nisu ispunjavali formalno-pravne uvjete nisu bodovani.	Sredstva su dodijeljena kvalitetnim kulturnim projektima od značaja za FBiH, ali značajnim i za kulturni život lokalne zajednice, projektima koji doprinose jačanju nacionalne i vjerske tolerancije te doprinose angažiranju i afirmaciji mladih, itd.
Transfer za obnovu kulturne i graditeljske baštine: sufinansiranje programa i projekta prema općim i usvojenim posebnim kriterijima te kriterijima iz Javnog poziva objavljenog 29.06.2011. godine.	100%	1.145.995,89	Uspješno realiziran Transfer za obnovu kulturne i graditeljske baštine (ukupno pristiglo i obrađeno 147 zahtjeva, ukupno bodovano 100, ukupno podržano 49 projekata). Zahtjevi koji nisu ispunjavali formalno-pravne uvjete nisu bodovani.	Sredstva su dodijeljena za izradu projekata i izvođenje radova na zaštiti kulturnog naslijeđa (javni objekti, islamski, katolički, pravoslavni i sakralni objekti drugih konfesija, arheološki lokaliteti, nekropole, stari gradovi, zaštita pokretnih kulturnih dobara, zaštita nematerijalnih kulturnih dobara, sanacija objekata kulture), te za manifestaciju „Dani evropskog naslijeđa“.
Izrada Akcionog plana za implementaciju Strategije kulturne politike u BiH (zajedno s Ministarstvom civilnih poslova BiH i Ministarstvom prosvjete i kulture RS te kantonalnim ministarstvima)	100%	Aktivnost finansirana iz MDG-F projekta „Kultura za razvoj“	Izrađen Akcioni plan	Uspješno realizirana aktivnost
Izrada Kulturnog portala Federacije BiH	100%	Isto	Izrađen Kulturni portal FBiH	Uspješno realizirana aktivnost i Kulturni portal FBiH dostupan svim građanima u BiH
Potpisivanje Ugovora, ARCH Stolac: "Pilot projekat: Naslijeđe kao most između zajednica. Rekonstrukcija	100%	100%	Ugovor potpisan	Uspješno realizirana aktivnost

arhitektonskog naslijeđa u centru grada Stoca - održivo oživljavanje i razvoj zajednice razjedinjene ratom"				
Praćenje realiziranja projekta: ARCH Stolac, "Pilot projekat: Naslijeđe kao most između zajednica. Rekonstrukcija arhitektonskog naslijeđa u centru grada Stoca - održivo oživljavanje i razvoj zajednice razjedinjene ratom".	100%	100%	Uspješno praćenje realiziranja projekta	Završen projektni zadatak za četiri aneksa i dostavljen EU na daljnju proceduru
Reforma kulturne statistike, izrada jedinstvenih statističkih i administrativnih obrazaca za područje cijele Bosne i Hercegovine (zajedno s Ministarstvom civilnih poslova BiH i Ministarstvom prosvjete i kulture RS, Agencijom za statistiku BiH i entitetskim statističkim zavodima, kantonalnim ministarstvima, odgovarajućim partnerskim udrugama i javnim ustanovama)	100%	Aktivnost finansirana iz MDG-F projekta „Kultura za razvoj“	Izrađeni jedinstveni statistički i administrativni obrasci za područje BiH	Aktivnost uspješno realizirana, u februaru 2012. godine će se organizirati Press konferencija radi informiranja javnosti o postignutom uspjehu, a od marta 2012. g. će započeti proces prikupljanja podataka
Izrada jedinstvenih statističkih i administrativnih obrazaca za izvještavanje u svim oblastima kulture (muzeji, biblioteke, arhivi, galerije, orkestri, izdavaštvo, festivali, pozorišta, Centri za kulturu, NVO i KUD, kinoteke, kinematografija, Zavodi za zaštitu spomenika, tv stanice, radio stanice, klasifikacija zanimanja u oblasti kulture, izrada Adresara svih nabrojanih kulturnih domena	100%	Aktivnost finansirana iz MDG-F projekta „Kultura za razvoj“	Uspješno izrađeni jedinstveni statistički i administrativni obrasci za područje BiH	Aktivnost uspješno realizirana
Analiza, trening i priprema podataka za izradu dokumenta o javnom privatnom partnerstvu u oblasti kulture	100%	Isto	Uspješno urađena analiza, trening	Aktivnost uspješno realizirana
Izrada jedinstvenih aplikacijskih obrazaca kojim se traži dodjela sredstava za projekte/programme kulture i obrazaca za izvještavanje o namjenskom utrošku sredstava koje će koristiti sva resorna ministarstva kulture u BiH, entitetima i kantonima	100%	Isto	Uspješno izrađeni jedinstveni aplikacijski obrasci	Aktivnost uspješno realizirana
Praćenje provedbe međunarodnih konvencija u oblasti kulture i kulturnog naslijeđa u dijelu koji se odnosi na Federaciju BiH i izvještavanje MCP BiH	100%	100%	Uredno praćenje provedbe međunarodnih konvencija	Kontinuirano
Izdavanje saglasnosti za privremeno i trajno iznošenje umjetnina	100%	100%	Ministarstvo izdalo 90 saglasnosti	Kontinuirano
Ažuriranje baza podataka	100%	100%	Uredno ažuriranje baza podataka	Kontinuirano
Praćenje realiziranja podržanih programa i projekata	100%	100%	Uredno praćenje realiziranja podržanih programa i projekata	Kontinuirano
Rad u Komisiji za nadzor nad namjenskim utroškom odobrenih sredstava tekućih transfera	100%	100%	Uspješno kontrolisano 300 finansijskih izvještaja	Kontinuirano
Učestvovanje državnih službenika edukaciji i treninzima za rad na monitoringu i evaluaciji projekata kulture	100%	Aktivnost finansirana iz MDG-F projekta	Oснаžen pristup metodologijama koje se primjenjuju u zemljama Evropske Unije	Kontinuirano
Promoviranje EU Programa „Kultura 2007-2013“ na području Federacije BiH s ciljem da inovativni i kvalitetni	100%	100%	Podaci o Programu su postavljeni na portal ministarstva, a informacije mogućim	Sve aktivnosti planirane u vezi sa ovim programom u 2011. realizirane su u

projekti iz BiH dobiju sredstva iz ovog Programa i povezivanje institucija kulture u partnerstva			korisnicima dostupne su telefonom, e-mailom i usmeno	potpuno. Ova aktivnost će se nastaviti realizirati do 2013. godine.
Pristupanje EU Programu „Media 2007-2013“	-	-	-	Zbog neformiranja vlasti na državnom nivou, aktivnost se nije mogla realizirati, jer je glavni nosioc aktivnosti Ministarstvo civilnih poslova BiH

IZVJEŠTAJ O RADU ZA 2011. GODINU – ZAVOD ZA ZAŠTITU SPOMENIKA

OPIS AKTIVNOSTI	Izvršeno u % u odnosu na plan u 2011.g.	Utrošeno u % u odnosu na plan u 2011.g.	Indikator izvršenja	Napomena
Saradnja s Komisijom za očuvanje nacionalnih spomenika BiH.	100%	100%	Zaštićeni nacionalni spomenici	Implementacija odluka Komisije za očuvanje nacionalnih spomenika kroz pripremu programa i projekata
Izdavanje dokumentacije trećim licima kao što su projektne organizacije, Zavodi za zaštitu spomenika i fizičkim licima, učenicima i studentima, iz razloga izrade projektne dokumentacije, seminarских, magistarskih i doktorskih radova.	100%	100%	Uspješna edukacija, razmjena dokumentacije	Proširivanje arhivskog fundusa
Priprema projekata za objekte kandidirane za finansiranje iz Instrumenta predpristojne pomoći (IPA projekti EU) .	100%	100%	Pripremljeni projekti za objekte kandidirane za IPA finansiranje 2012-2013.	Završena priprema za realizaciju objekata Stari grad Bužim, Partizansko groblje u Mostaru , Stari grad Tešanj i zgrada Crvenog krsta u Sarajevu
Izdavanje saglasnosti i stručnih mišljenja iz aspekta zaštite kulturno-historijskog naslijeđa, na programe i projekte izrađene od strane drugih pravnih i fizičkih lica.	100%	100%	Sprovođenje zakonske legislative	Obrađeno 401 predmet od toga 178 saglasnosti i stručnih mišljenja.
Evidentiranje i čuvanje dokumentacije o objektima kulturno-historijskog naslijeđa BiH.	100%	100%	Vođenje registra spomenika	Praćenje stanja kulturno -historijskog naslijeđa FBiH.
Vođenje fototeke, hemeroteke, biblioteke, videoteke.	100%	100%	Proširen arhiv Zavoda	Prikupljanje zbirki, dokumentacije i materijala.
Realizacija Pilot programa ARCH Stolac: „Naslijeđe kao most između zajednica. - održivo oživljavanje i razvoj zajednice razjedinjene ratom”	100%	100%	Rekonstrukcija arhitektonskog naslijeđa u centru grada Stoca	Završen projektni zadatak za četiri aneksa i dostavljen EU na daljnju proceduru.
Preventivna arheološka istraživanja na trasi auto ceste na Koridoru Vc.	100%	50%	Zaštićena nevidljiva baština, arheološki artefakti	Rad u kontinuitetu, prije uvođenja izvođača, a poslije obilježavanja i eksproprijacije trase.
Nadzor nad realizacijom radova na programima i projektima	100%	90%	Primjena stručnih i naučnih metoda rada	Pravilna implementacija sredstava

konzervacije nacionalnih spomenika.				namijenjenih za zaštitu objekata kulturno-historijskog naslijeđa.
Obnova Gradske Vijećnice u Sarajevu.	100%	80%	Izvršen nadzor nad III. fazom rekonstrukcije fasade	III. faza- rekonstrukcija fasade, nadzor.
Sanacija Paviljona prirode Zemaljskog muzeja BiH u Sarajevu.	100%	100%	Izvršen nadzor nad I. fazom obrade zidova	Nadzor- završena I. faza obrade zidova.
Obnova Male vijećnice u Odžaku.	100%	100%	Izvršen nadzor nad II. fazom radova u interijeru objekta	Nadzor- radovi u interijeru objekta.
Obnova Zgrade finansija u Jajcu.	100%	100%	Završena faza zatvaranja objekta	Nadzor – rekonstrukcija spomenika u toku. Završena faza zatvaranja objekta.
Stari most u Klepcima, Čapljina.	100%	80%	Obnova nacionalnog spomenika	Izrada projekata konzervacije objekta u toku.
Obnova Džamije u Podgori, Breza.	100%	75%	Obnova nacionalnog spomenika	II.faza- u toku izrada projektne dokumentacije (trijem i sofe).
Obnova Stare džamije u Šenkovićima, Novi Travnik.	100%	100%	Izvršen stručni nadzor nad I. fazom obnove	Stručni nadzor, završena I.faza.
Obnova Soko džamije u Gračanici.	100%	100%	Završena rekonstrukcija objekta	Stručni nadzor - završena rekonstrukcija objekta.
Obnova Huseinija džamije u Gradačcu.	100%	30%	Obnova nacionalnog spomenika	Stručni nadzor, izmjena pokrova. Nastavak radova u 2012.
Obnova Musalle u Kamengradu, Sanski Most.	100%	75%	Završena projektna dokumentacija konzervacije	Projektna dokumentacija konzervacije završena, stručni nadzor u toku.
Obnova Ferhadbegove džamije u Tešnju.	100%	100%	Izvršen nadzor nad I. i II. fazom obnove Ferhadbegove džamije u Tešnju	Oslikavanje interijera džamije- završeno, nadzor nad III. fazom- u toku
Konzervacija i sanacija Semiz Ali-pašino turbe u Prači.	100%	60%	Obnova nacionalnog spomenika	Izrada projekta konzervacije u toku.
Obnova džamije Džudža Džaferove u Tomislavgradu.	100%	100%	Završeno pokrivanje objekta	Stručni nadzor, pokrivanje objekta završeno.
Obnova džamije Handanija u Pruscu, Donji Vakuf.	100%	60%	Završen projekat konzervacije	Projekat konzervacije završen , stručni nadzor u toku.
Obnova džamije Hasan Kfajije Pruščaka, Prusac .	100%	100%	Završena I. faza rehabilitacije objekta	Završena projektna dokumentacija i I.faza rehabilitacije objekta.
Nadzor nad arheološkim istraživanjima na objektu Firuz-begovom hamamu u Sarajevo.	100%	100%	Novi dokazi o autentičnosti spomenika	Završena arheologija i prioritetna zaštita nalazišta.
Izgradnja Bakr-babine džamije na At-mejdanu u Sarajevu.	100%	100%	Završen nadzor nad izgradnjom Bakr-babine džamije na At-mejdanu u Sarajevu	Nadzor - završeno.
Obnova crkve sv.Ilije u Kruševu, Mostar.	100%	80%	Radovi na interijeru u toku	Stručni nadzor u toku, radovi na interijeru.
Sanacija Franjevačkog samostana u Kraljevoj Sutjesci.	100%	55%	Radovi na sanaciji temelja i kripte crkve – u toku	U toku radovi na sanaciji temelja crkve i kripte – nadzor.
Sanacija Noej crkve sv. Mihovila u Varešu.	100%	100%	Izvršen nadzor nad I. fazom radova na fasadi	Završeni radovi na fasadi, nadzor drugih faza u toku.
Nadzor na sanaciji grobljanske kapela (arh.Plečnik) na Stogiću u Varešu.	100%	100%	Izvršen nadzor nad I. fazom	Završena I.faza.
Izrada projekta i nadzor na crkvi sv.Vasilija Ostroškog u	100%	100%	Aktivnost će se realizirati u toku 2012. g.	Izvođenje radova planirano u toku 2012.

Blagaju.				
Nadzor na sanaciji objekta Stare biskupske rezidencije u Vukodolu, Mostar .	100%	100%	Izvršen nadzor nad II. fazom sanacije objekta	Završena II. faza.
Nadzor na sanaciji crkve sv.Trojstva u Blagaju	100%	100%	Obnova nacionalnog spomenika	Izvođenje radova planirano u toku 2012.
Nadzor nad konzervatorskim radovima na Sabornoj crkvi u Sarajevu.	100%	100%	Obnova nacionalnog spomenika	Radovi u enterijeru crkve.
Sanacija i rekonstrukcija Mitreuma u Jajcu.	100%	80%	U toku nadzor nad sanacijom i rekonstrukcijom Mitreuma u Jajcu	Nadzor-radovi u toku.
Nekropola stećaka u Kruševu.	100%	65%	Završen projekat konzervacije	Projekat konzervacije i nadzor.
Arheološki lokalitet u Halepićima kod Glamoča.	100%	100%	Izvršen nadzor nad III. fazom arheoloških istraživanja u Halepićima	Nadzor nad arheološkim istraživanjima u toku.
Nekropola stećaka Sovići, Jablanica.	100%	100%	Završen projekat konzervacije i I. faza nadzora	Projekat konzervacije i I. faza nadzora završena. Konzervacija i nadzor drugih faza u toku.
Stari grad Visoki, brdo Visočica u Visokom.	100%	100%	Operativna zaštita	I.faza projekta i radova konzervacije bedema završena.
Stari grad Srebrenik	100%	100%	Operativna zaštita	Radovi na rekonstrukciji mosta na ulazu završeni.
Stari grad Blagaj	100%	100%	Operativna zaštita	II.faza konzervatorskih radova završena.
Stambeni devastirani objekti u Mostaru (ul. M.Tita).	100%	40%	Operativna zaštita	Izradit će projektnu dokumentaciju i vršiti stručni nadzor.
Stambeni kompleks Begovina.	100%	100%	Obnova nacionalnog spomenika	Završeni radovi preventivne zaštite na mutvaku.
Kuća Abdibegovića u Pruscu.	100%	100%	Završen projektni zadatak	Završen projektni zadatak, izrada projektne dokumentacije u toku.
Manifestacija <i>Dani evropskog naslijeđa</i> na temu „Principi obnove kulturno-historijskog naslijeđa u uvjetima stvorenim prirodnim i ratnim katastrofama“.	100%	100%	Uspješno realizirana manifestacija	Manifestacija održana 14. i 15. septembra u saradnji s općinom Tešanj.
VI Regionalna konferencija o savremenom pristupu zaštiti kulturnog i prirodnog naslijeđa u Banjoj Luci.	100%	100%	Skup poznatih konzervatora iz regije	Druženje i razmjena iskustva u radu na zaštiti.
Objavljivanje XXII. Broja stručnog časopisa i godišnjaka „Naše starine“.	100%	65%	Izlazak novog broja časopisa „Naše starine“ s prezentacijom rada Zavoda	Izdavanje XXII broja časopisa i godišnjaka Zavoda je u fazi prikupljanja materijala kako bi se pripremio za štampu.
REALIZIRANE AKTIVNOSTI KOJE NISU PLANIRANE U PROGRAMU RADA ZA 2011.g.				
Gradska džamija u Velikoj Kladuši.	100%	100%	Operativna zaštita	Tenderska dokumentacija –završeno.
Rehabilitacija Saborne crkva u Mostaru.	100%	100%	Obnova nacionalnog spomenika	Zidanje vanjskih zidova crkve- nadzor.
Crkva sv. Marije i Tornja sv. Luke u Jajcu.	100%	100%	Obnova nacionalnog spomenika	Projekat konzervacije kruna zidova crkve.
Mlinice i drvene vodenice na Plivi u Jajcu.	100%	100%	Operativna zaštita	Program pripremnih radova i aktivnosti za rekonstrukciju - završeno.
Projekat kuće u kompleksu Velagićevina u Blagaju .	100%	100%	Obnova nacionalnog spomenika	Izrađen projektni program i zadatak.

Konzervacija ostataka Krunidbene crkve u Milama.	100%	100%	Obnova nacionalnog spomenika	Završen projekat i radovi na konzervaciji kruna zidova.
Stambeni objekat Eminagića kuće u Tešnju.	100%	100%	Obnova nacionalnog spomenika	Muzejska postavka u depandansu muzeja
Izrada Nominacijskog dosijea za upis stećaka na UNESCO-vu Listu svjetske baštine .	100%	50%	Promocija spomenika graditeljske baštine BiH	U toku izrada metodologije anketiranja i izrada geodetskih snimaka.
Izrada Akcionog plana i Studije izvodljivosti za program <i>Ljubljanski proces II.</i>	100%	100%	Operativna zaštita ugroženih spomenika	Tabelarni pregled ugroženih spomenika sa prijedlogom plana budžeta
Oslikavanje interijera Katedrale u Sarajevu.	100%	100%	Obnova nacionalnog spomenika	Vraćanje oslikanih svodova i zidovi u doba izgradnje i prvobitnog izgleda moleraja.

IZVJEŠTAJ O RADU ZA 2011. GODINU- CENTAR ZA MLADE

OPIS AKTIVNOSTI	Izvršeno u % u odnosu na plan u 2011.g.	Utrošeno u % odnosu na plan u 2011.g.	Indikator izvršenja	Napomena
Koordinacija rada sa svim nivoima vlasti u Bosni i Hercegovini, radi poboljšanja položaja mladih i dostizanja evropskog životnog standarda mladih u Bosni i Hercegovini	40%	40%	Ostvarena saradnja	Učešće u radu Komisije za koordinaciju pitanja mladih BiH, saradnja sa Komisijom za mlade Parlamenta FBiH.
Putem Transfera za kulturu od značaja za FBiH, Transfera za udruženja građana i organizacije u oblasti kulture i Transfera za sport od značaja za FBiH osiguravanje namjenskih sredstava za projekte mladih, podrška i povezivanje projekata i programa mladih u FBiH, podrška mladim talentima.	100%	100%	Afirmacija mladih u kulturi i sportu	U Budžet Federalnog ministarstva kulture i sporta uvršten kriterij koji doprinosi angažiranju i afirmaciji mladih u kulturi i sportu. Podržani projekti koji realiziraju mladi i projekti koji se odnose na mlade kao krajnje korisnike podrške.
Saradnja sa omladinskim organizacijama i međunarodnim organizacijama koje se bave problematikom mladih te aktivno učešće na raznim omladinskim forumima, konferencijama i seminarima, radnim grupama	100%	100%	Uspješno ostvarena saradnja	Realizirana saradnja sa nizom domaćih i međunarodnih organizacija, kao i učešće na konferencijama i seminarima za mlade u organizaciji UNDP, YERP-Program zapošljavanja mladih; World bank, Fondacija Mozaik – podrška mladima sa posebnim potrebama, saradnja sa Institutom za razvoj mladih Kult- implementacija Zakona o mladima FBiH.
Organiziranje i realiziranje Kampa animacije Igman 2011.	30%	30%	Izvršena priprema za realizaciju Kampa animacije Igman 2011.	Kamp animacije Igman 2011. nije realiziran. Razlog: Nakon provedene procedure odabira smještaja za učesnike Kampa putem javnih nabavki, dokumentacija ponuđača nije bila validna. Stoga, nismo bili u mogućnosti

				relizirati Kamp animacije u toku 2011.godine.
Nastavak rada na projektima podrške programima mladih u zaštiti kulturnog naslijeđa, jačanje svijesti kod mladih o potrebi i očuvanju kulturnog naslijeđa Bosne i Hercegovine te aktivnosti mladih koje doprinose obrazovanju i edukaciji mladih, realizacija programa „Mladi i naslijeđe“ u okviru manifestacije Dani evropskog naslijeđa 2011.	100%	100%	U projektu učestvovalo preko 800 učenika iz FBiH. Projekat realiziran 14. i 15. septembra u Općini Tešanj sa 60 najuspješnijih učenika iz 17 gradova.	Program realiziran u saradnji sa osnovnim i srednjim školama iz FBiH. Tema programa „Mladi i naslijeđe“ je bila Graditeljsko naslijeđe.
Program „Mladi u akciji 2007-2013“: novi projekat edukacijskog karaktera, a odnosi se na informiranje mladih, unapređenje njihovog znanja i vještina za pisanje projekata i mogućnostima korištenja Fondova EU, otvoren je za NVO sektor. Planirano je organizirati po tri radionice za mlade u svim kantonima Federacije BiH u saradnji sa lokalnim nivoom vlasti.	40%	40%	Pripremljene radionice za mlade, ali nisu realizirane	Centar za mlade je pripremio realizaciju projekta za mlade u kantonima koji nisu obuhvaćeni ovom obukom. Ove aktivnosti nisu realizirane zbog nedostatka sredstava, jer u Budžetu ministarstva za 2011. godinu nije planiran <i>Transfer za mlade</i> koji bi omogućio njihovo realiziranje (već samo za oblast kulture i sporta).
Poticanje zadovoljavanja potreba mladih, posebno u malim sredinama, saradnja organa i tijela vlasti i omladinskih organizacija, te saradnja sa lokalnim tijelima vlasti na izradi općinskih strategija za mlade.	-	-	Aktivnost nije realizirana	Planirane aktivnosti iz oblasti omladinske politike nisu realizirane, jer u Budžetu ministarstva za 2011. godinu nije planiran <i>Transfer za mlade</i> koji bi omogućio njihovo realiziranje (već samo za oblast kulture i sporta). Također, posljedica nedostatka kadra u Centru za mlade je nerealiziranje pojedinih planiranih aktivnosti.
REALIZIRANE AKTIVNOSTI KOJE NISU PLANIRANE U PROGRAMU RADA ZA 2011. godini				
Aktivnosti u vezi sa implementacijom Zakona o mladima Federacije BiH : pokretanje procedure za dopunu nadležnosti i naziva Federalnog ministarstva kulture i sporta.	90%	90%	Sačinjen <i>Prijedlog Zakona o izmjeni i dopuni Zakona o federalnim ministarstvima i drugim tijelima federalne uprave</i> i upućen u procedure	Pokrenuta procedura za dopunu nadležnosti i naziva Federalnog ministarstva kulture i sporta, s kojom je jasno određena ingerencija ministarstva u oblasti omladinske politike.
Federalno ministarstvo kulture i sporta je u okviru Budžeta za 2012. godinu planiralo <i>Transfer za mlade</i> .	100%	100%	Odobren <i>Transfer za mlade</i>	U okviru Budžeta za 2012. godinu, Federalnom ministarstvu kulture i sporta je odobren <i>Transfer za mlade</i> u iznosu od 200.000,00 KM.
Program rada Federalnog ministarstva kulture i sporta za 2012. godinu predviđa novu sistematizaciju Centra za mlade	100%	100%	Pripremljene izmjene i dopune Pravilnika o unutrašnjoj organizaciji ministarstva	Usljed nedostatka stručnog kadra u Centru za mlade, u 2012. godini je odobreno da se Centar proširi za još jednog izvršioca (stručni savjetnik za mlade), kako bi kapaciteti ministarstva odgovarali zadacima koji proizilaze iz Zakona o mladima FBiH

IZVJEŠTAJ O RADU ZA 2011. GODINU- SEKTOR ZA SPORT

OPIS AKTIVNOSTI	Izvršeno u % u odnosu na plan u 2011.g.	Utrošeno u % odnosu na plan u 2011.g.	Indikator izvršenja	Napomena
Transfer za sport od značaja za Federaciju BiH: sufinansiranje programa i projekta od značaja za FBiH prema općim i usvojenim posebnim kriterijima te kriterijima iz Javnog poziva objavljenog 29.06.2011. godine.	100%	1.697.015,00 KM	Uspješno realiziran Transfer (ukupno pristiglo i obrađeno 500 zahtjeva, ukupno bodovano 380 zahtjeva, ukupno podržano 122 projekta). Zahtjevi koji nisu ispunjavali formalno-pravne uvjete nisu bodovani.	Sredstva su dodijeljena kvalitetnim i značajnim projektima za FBiH koji imaju dugogodišnji kontinuitet, doprinose popularizaciji i razvoju sporta, itd, te za izgradnju, rekonstrukciju i opremanje sportskih objekata s ciljem razvoja sporta i stvaranja uvjeta za sportsko-rekreativne aktivnosti i vrhunski sport.
Izgradnja, opremanje i rekonstrukcija sportskih objekata kao preduvjeta za razvoj vrhunskog sporta, sportske rekreacije i nastavnih programa tjelesnog i zdravstvenog odgoja.	100%	240.000,00 KM	Na osnovu Javnog poziva, a prema kriterijima iz Transfera za sport od značaja za FBiH podržano 12 projekata.	Kontinuirano prema pristiglim zahtjevima pružana finansijska podrška izgradnji, opremanju i rekonstrukciji sportskih projekata.
Podrška tradicionalnim sportskim manifestacijama, kao što su: Velemajstorski šahovski turnir „Bosna 2011.“, Tradicionalni međunarodni atletski turnir prijateljstva, Sportske igre RVI, Sportske igre paraplegičara i oboljelih od dječije paralize, itd.. U FBiH pružit će se podrška i međunarodnim sportskim takmičenjima koja će se u 2011. godini organizirati na teritoriji Federacije BiH.	100%	320.000,00 KM	Na osnovu Javnog poziva, a prema kriterijima iz Transfera za sport od značaja za FBiH finansijski podržano 32 projekta	Kao i ranijih godina, pružena puna podrška organizaciji međunarodnih i tradicionalnih sportskih manifestacija koje su organizirane u FBiH.
S ciljem dostojnog predstavljanja zemlje na najznačajnijim međunarodnim takmičenjima, pružit će se neophodna podrška pripremi i odlasku naših najboljih sportista na ova takmičenja.	100%	100.000,00 KM	Zahvaljujući i našoj podršci, najbolji sportisti iz Bosne i Hercegovine su ostvarili rezultate koji su potvrdili visok nivo sportskog stvaralaštva. Iz Transfera za sport od značaja za FBiH izdvojeno 100.000,00 KM za ovu aktivnost.	U saradnji sa Ministarstvom civilnih poslova BiH i Ministarstvom za porodicu, sport i omladinu RS, neophodno je utvrditi kriterije za ovu finansijsku podršku, jer sportisti na ovim takmičenjima predstavljaju BiH u cjelini.
Ostvarivanje pune saradnje sa Ministarstvom civilnih poslova BiH na planu implementacije Zakona o sportu u Bosni i Hercegovini, kantonalnim resornim ministarstvima, Ministarstvom porodice, omladine i sporta RS i sportskim asocijacijama, u cilju afirmacije sporta kao dijela ukupnih društvenih i kulturnih vrijednosti.	100%	100%	Uspješno ostvarena saradnja	Neophodna veća koordinacija i saradnja s ciljem veće afirmacije sporta.
U saradnji sa kantonalnim ministarstvima, Federalnim ministarstvom obrazovanja i nauke i sportskim savezima, na nivou Federacije, organizirat će se školska sportska takmičenja koja trebaju biti u funkciji zadovoljenja djece za kretnim aktivnostima i poboljšanjem fizičke sposobnosti i	100%	35.000,00	Uspješno organizirana takmičenja na nivou kantona, iz Transfera za sport od značaja za FBiH izdvojeno 35.000,00 KM.	Na nivou kantona organizirana su školska sportska takmičenja koja će, zasigurno, dati svoj doprinos dostizanju vrhunskog sportskog stvaralaštva. Zbog nedostatka sredstava nisu organizirana

zdravlja. Pored toga, ova takmičenja trebaju dati aktivnosti podizanju nivoa sportske kulture i podsticaj za dostizanje vrhunskog sportskog stvaralaštva.				takmičenja na nivou Federacije BiH.
Projekat praćenja fizičke spremnosti školske omladine, zahvaljujući podršci Federalnog ministarstva kulture i sporta, realizira se već jedanaest godina po jedinstvenoj naučnoj metodologiji u svim zemljama Evrope. U saradnji sa kantonima i udruženjima pedagoga tjelesnog odgoja, u 2011. godini projekat treba realizirati u svim kantonima.	100%	100%	Izvršene pripreme za izradu kriterijskih tablica	Nastavljena je aktivnost na realizaciji EUROFIT-a, projekta praćenja fizičke spremnosti školske omladine i izvršene pripreme za izradu kriterijskih tablica.
Ministarstvo će aktivno učestvovati na donošenju zakonskih i podzakonskih akata koji proizilaze iz Zakona o sportu u Bosni i Hercegovini, kao preduvjeta za adekvatno i kvalitetno organiziranje sporta i ostvarivanje strateških ciljeva njegovog razvoja.	100%	100%	Nije realizirano donošenje Zakona o sportu u FBiH, jer nije bila konstituirana vlast u tri kantona	U saradnji sa Ministarstvom civilnih poslova BiH nastavljene su aktivnosti na izradi podzakonskih akata koji proizilaze iz Zakona o sportu u BiH. Nije realizirano donošenje Zakona o sportu u FBiH, jer nije bila konstituirana vlast u tri kantona. Ovu aktivnost potrebno je realizirati u dogovoru sa kantonalnim ministarstvima, s obzirom na ustavnu nadležnost u ovoj oblasti.
S ciljem obezbjeđenja što bolje i transparentnije podrške realizaciji projekata i programa u oblasti sporta, izradit će se posebni kriteriji za korištenje sredstava iz Budžeta Federacije BiH.	100%	100%	Uspješno izrađeni posebni kriteriji	Izrađeni posebni kriteriji za bodovanje i valorizaciju projekata i programa u oblasti sporta, kao preduvjet za korištenje sredstava iz Budžeta FBiH.
Redovno će se održavati saradnja sa Ministarstvom civilnih poslova BiH, kantonalnim ministarstvima i sportskim asocijacijama, sa ciljem ostvarivanja utvrđenog programa i afirmacije sporta i njegovih vrijednosti.	100%	100%	Uspješno ostvarena saradnja	Ostvarena kontinuirana saradnja.
Na osnovu jedinstvenog informacionog sistema u sportu BiH, pristupit će se utvrđivanju informacione sportske mreže i utvrđivanju informacionog sistema na nivou FBiH. Cilj je obezbijediti sistematsko praćenje i evidentiranje organizovanja sporta i sportskih organizacija, te stručne, naučne i izdavačke djelatnosti u sportu.	-	-	Aktivnost nije realizirana	Ove aktivnosti nisu realizirane zbog nedostatka sredstava i neformiranja vlasti u svim kantonima.
REALIZIRANE AKTIVNOSTI KOJE NISU PLANIRANE U PROGRAMU RADA ZA 2011. godini				
Formiranje Fondacije za sport	100%	100%	Formirana Fondacija	Uspješno realizirana aktivnost